

枕碧樓偶存稿

枕碧樓偶存稿卷二

文二

蘇松嘉湖浮糧攷

明史食貨志初太祖定天下官民田賦凡官田畝稅五升三合民田減二升重租田八升五合五勺沒官田一斗二升惟蘇松嘉湖怒其爲張士誠守乃籍諸豪族及富民田以爲官田按私稅簿爲稅額而司農卿楊憲又以浙西地膏腴增其賦畝加二倍故浙西官民田視他方倍蓰畝稅有二三石者大抵蘇最重嘉湖次之松又次之洪武十三年命戶部裁其額畝科七斗五升至四斗四升減十之二四斗三升至三斗六升者俱止徵三斗五升其以下者仍舊建文二年詔曰江浙賦獨重而蘇松准私租起科特以徵一時頑民豈可爲定則以重困一方宜悉與減免畝不得過一斗成祖盡革建文之政浙西之賦復重按此志

亦大概言之未盡然也明之滅張士誠湖州戰事最多蘇州圍久乃克謂其爲士誠守可也松江望風歸附嘉興亦未煩兵力何嘗爲士誠守莫天祐守無錫降最後而無錫不在四郡之屬亦不在籍沒之列也考況鐘況太守集載其請減秋糧疏云查得本府七縣該糧二百七十七萬九千一百九石零內官田糧二百六十二萬五千九百十五石零每田一畝科米不等有一斗二升至三石止民糧一十五萬三千一百九十四石零每田一畝科米五升至二斗六升止又再請減秋糧疏云宣德五年二月二十日欽奉敕諭內一款因各處官田起科不一租糧旣重農民弗勝自今年爲始減除十分之二三不等臣已遵查得本府各縣官糧科米最重應照依恩例共減七十二萬一千餘石奏明造冊繳部訖隨行移各鄉區知會將實徵開除人

民不勝歡欣感戴今奉行在戶部駁查開稱洪武初年古額官田起科已定不在開除之例止令將洪武年抄沒官田糧減除查洪武年間抄沒官田起科多者每畝不過三四斗農民可勝其所不勝者正在古額官田又七年核減浮糧實數疏云長洲等七縣扣該減官糧七十二萬一千二百零三石九斗二升五合內古額官田減二十四萬五千八百六十七石六斗四升零抄沒官田減三十七萬五千三百三十六石三斗零况時知蘇州府事減糧之事親手經理其所言當最確實蘇州一府之田有古額官田有抄沒官田有民糧其賦以古額爲最重抄沒次之民糧最輕約居十五分之一民糧旣未加賦抄沒官田每畝不過三四斗無重至七八斗及一石者按其減糧之數古額居十之四五抄沒居十之五六蘇州一府之田統而計之古

額約占十分之四然則蘇賦之重謂太祖怒其爲張氏守
豈篤論哉蘇州如是而他府亦可知矣至古額官田之名
其來甚久日知錄云景定四年殿中侍御史陳堯道右正
言曹孝慶監察御史虞處張晞顏等言乞依祖宗限田議
自兩浙江東西官民戶逾限之田抽三分之一買充公田
得一千萬畝之田則歲有六七百萬斛之入丞相賈似道
主其議行之始於浙西六郡凡田畝起租滿石者予二百
貫以次遞減有司以買田多爲功皆謬以七八斗爲石其
後田少與磽瘠虧租與佃人負租而逃者率取償田主六
郡之民多破家矣而平江之田獨多元之有天下也此田
皆別領於官松江府志言元時苗稅公田外復有江淮財
賦都總管府領故宋后如田江浙財賦府領籍沒朱清張
瑄田以供中宮稻田提領所領籍沒朱國珍管明田以賜

丞相脫脫撥賜莊在上浦十九保領宋親王及新籍明慶妙行二寺等田又有汪關關滿經曆田以賜影堂寺院諸王近臣又有括入

白雲宗僧田皆不係州縣元額而元史所記賜田大臣如拜住燕帖木兒等諸王如魯王瑚阿不刺鄰王徹徹禿等公主如魯國大長公主寺院如集慶萬壽二寺無不以平江田而平江之官田又多至張士誠據吳之日其所署平章太尉等官皆出於負販小人無不志在良田美宅一時貢獻之產徧於平江而一入版圖亦按其租簿沒入之已而富戶沈萬三等又多以事被籍是故改平江曰蘇州而蘇州之官田多而益多按顧氏此文敘述蘇賦獨重之源委最爲詳盡而古額官田起於宋踵於元而不始於明亦甚了然此不得歸罪於明者若抄沒官田卽顧氏所謂張氏平章等官之產及富民沈萬三等被籍之田又杜宗桓

上巡撫侍郎周忱書云蘇松二府國初籍沒土豪田租有
因爲張氏義兵而籍沒者有因虐之說富民得罪而籍沒

者有司不體聖心將沒入田地一依租額起糧每畝四五

斗七八斗至一石以上民病自此而生又洪熙元年廣西

右布政使周幹言吳江昆山民田畝舊稅五升小民佃種

富室田畝出私租一石後因沒入官依私租減二升是十

分而取八也撥賜公侯駙馬等項田每畝舊輸租一石後

因事故還官又如私租例盡取之且十分而取其八民猶

不堪況盡取之乎以上並見田御錄此二說所稱抄沒官田租額

竝與況疏所言不符況言當是洪武十三年已經減免之

數而十三年裁額自科七斗五升者起豈當時竝無八斗

至一石以上者乎此所未詳也明史周忱傳云初太祖平

吳盡籍其功臣子弟莊田入官後惡富民豪并坐罪沒入

田產皆謂之官田按其家租籍征之故蘇賦此他府獨重其言較食貨志爲明晰而此項官田糧額亦不過一府之半可見蘇賦之重不全由於此浙西之增賦志謂出于楊憲明史稿憲傳亦載之初不爲爲張氏守何獨於蘇而怒其爲張守竊疑楊憲爲司農卿浙西既以地膏腴而增賦蘇州之以私租起科恐亦出於憲意爲掊克計也杜宗桓所謂有司不體聖心者也抄沒一事自不得不叢怨於太祖而謂蘇賦之重由於太祖怒民之爲張氏守恐亦是一時恩怨之詞非其實也杜宗桓又言宋華亭一縣卽今松江一府當紹熙時秋苗止十一萬二千三百餘石景定中賈似道買民田以爲公田益糧一十五萬八千二百餘石宋末官民田地稅糧共四十二萬二千八百餘石元大德間沒入朱清張碹田後至元間又沒入朱國珍管明等田

一府稅糧至有八十萬石迨至季年張士誠又併諸撥屬財賦府與夫營圍沙職站役等田至洪武以來一府稅糧共一百二十餘萬石據此則松江田賦在元代已八十餘萬石張氏又增之其增於洪武中者不若蘇州抄沒之多乃不分別言之而概曰爲張氏守何哉

湖州府志載宋慶元間烏程縣夏稅紬絹縣銀此時折價
曆時估無據照萬一萬四千九百四十兩零秋苗米一萬九百八十六石五斗八升四合九勺歸安縣夏稅紬絹縣銀一萬七

千五百一十三兩秋苗米八千二百七十四石九斗八升八合一勺德清縣夏稅絹銀六千七百九十五兩零秋苗米三千七十一石元至正間烏程夏稅絲縣銀一萬一千八十三兩六錢四分零較宋減秋糧正耗米九萬三千三百四十五石四斗二升七合歸安夏稅絲縣銀八千一百三

十三兩七錢

不及宋之半

秋糧正耗米九萬三千三百四十五

石四斗二升七合德清夏稅絲縣銀一萬七千一百五

兩

較宋多萬二百秋糧正耗米七萬一千三百一十五石三斗八

升三合零照宋額烏程多米八萬二千二百五十八石八

斗四升歸安多米六萬九千七百七十七石零德清多米

六萬八千二百四十四石三斗零此因賈似道買官田所

致也明洪武二十四年

已在十三年減免之後

烏程夏稅絲縣麥三

項銀八千九百九十九兩四錢七分零秋糧正耗米二十

一萬二千二石四斗八升零歸安夏稅絲縣銀八千二百

四十八兩零秋糧正耗米一十八萬八千七百一十四石

四斗一升六合零德清夏稅銀三千九百二十九兩零秋

糧正耗米八萬八千七百三十五石七斗一升零照元時

額烏程多米十一萬八千六百五十七石零歸安多米十

十萬六百六十一石七斗零德清多米一萬七千四百十八石四斗此明祖重賦官田所致也獨夏稅銀則較元額烏程減二千零八十四兩零德清減一萬三千一百六零何也至宣德間則米減而銀又增矣按浙西增賦旣出楊憲之意恐非重賦官田之所致

大誥第十二條云應天宣城太平廣德鎮江五府州爲是興王之地久被差徭特將夏稅秋糧不時全免惟元宋入官田地我朝籍沒之田民田全免官田若令全免民難消受所以減半徵收凡免糧去處如此其應天等五府州縣數十萬沒官田地夏秋稅糧官吏張欽等通同作弊竝無一粒上倉與同戶部官郭桓等盡行分受按此則明初籍沒之田不獨蘇松嘉湖四府有之第四府較多四府則照私額徵興王之地則減半徵此寃嚴不同耳大抵開創

之初軍事孔亟不能不籍此以濟軍儲故雖興王之地亦不能無籍沒之田此等沒田官地又與張氏何與而同歸于抄沒耶

宋皇祐三年十一月辛亥詔以漳泉州興化軍自五代以來計丁出米甚重或貧不能輸自今泉州興化舊納七斗五升者主戶與減二斗五升客戶減四斗五升漳州納八斗五升者八合者主戶減三斗八升八合客戶減五斗八升八合爲定制 按此項租額之重頗與江浙官田相似

漢豫章郡名攷

漢豫章郡之得名其說有三左傳昭十三年吳人敗諸豫章杜注定二年楚人伐吳師于豫章吳人見舟于豫章而潛師于巢以軍楚師于豫章又柏舉之役吳人舍舟于淮

汭而自豫章與楚夾漢此皆當在江北淮水南蓋後徙在江南之豫章此一說也水經贛水注漢書地理志豫章水出贛縣西南而北入江雷次宗云似因此水爲其地名此一說也水經注又云贛水又北逕南昌縣故城西城之南門曰松陽門門內有樟樹高七丈五尺大二十五圍枝葉扶疏垂蔭數畝應劭漢官儀曰豫章樟樹生庭中故以名郡矣濟水注閩稱曰昔天子建國名都或以令名或以山林故豫章以樹氏郡酸棗以棘名邦此一說也酈元二說竝載而不加可否一統志取杜元凱之說大事表亦云秦得楚地置九江郡漢分九江之西置豫章郡漫取春秋舊地以名之而不知其道里差池貿易如此若春秋時夔國本在湖廣歸州夔卽歸而今四川之夔州府乃遙取夔國爲名南昌之爲豫章亦猶此第杜氏不知豫章實有二地

一在淮北一在江南於是以後徒爲臆度之詞顧氏亦不知江南亦有豫章而議其道里差池則此說未可從也光緒江西通志主應園之說其案語云說文豫象之大者引申之凡大稱爲豫章與樟同爾雅釋詁豫樂也樟之樹垂蔭數畝至巨至神若有休應以之名郡意謂樂有大樟也謹徵諸御覽一百七十引雷次宗豫章記云太康中望氣者云豫章廣陵有天子氣故封愍懷太子爲廣陵王領鎮軍以鎮豫章後永興中懷帝遂以豫章登天位又徵諸水經贛水注云豫章樟樹常中枯逮晉永嘉中一旦更茂豐蔚如初咸以爲中宗之祥禮斗威儀曰君政頌平豫章常爲生太興中元皇果興大業於南故郭景純南郊賦云弊樟擢秀於祖邑是也凡斯符瑞皆足爲以樹氏郡之確證然雷次宗亦不省圈應二家之說徒見漢志贛省豫章水

之文遂謂似因此得名不知水在禹貢祇有彭蠡而無豫
章其後建立郡名因謂其郡之水爲豫章水非章郡未立
而已先有章水之名也頗疑次宗係證贛之得名故酈元
引之而不置辨歟又引御覽九百五十七引地理志豫章
郡城南有樟樹長數十丈立郡因以爲名至晉永嘉年間
尚茂也謂近人堅執雷次宗之說以爲因水得名不知以
木名郡不獨應劭固稱言之此御覽宋初之書亦絕不斷
及雷氏而尙引此地理志之一說也卽宋以後邦人文字
如元包希魯豫章賦則云物獲充於致產郡因之而得名
明陳洪緒江城名蹟記深斥次宗而篤信仲遠至國朝龍
元玠豫章賦序則謂豫章南方之大木也大極百圍長幾
千尺南人寶之往往以名其地因舉左傳及漢晉諸史中
豫章爲証而以木生庭中之說爲然黎方通豫章名郡說

或有謂章貢之水流入南浦是爲章江故郡號豫章也果爾則第曰章江可矣豫之義何居焉合此數論豫章郡以木名自宜從古次宗所記單文孤證殊無取焉通志之說如此然竊有疑焉應劭謂樟生庭中水經注以爲南門內有樟地理志以爲在城南寰宇記謂松陽門有大樟樹所生之地數說不符水經注言高七丈五尺大二十五圍地理志言長數十丈寰宇記言高十七丈四十五圍數說又不符秦漢時東南榛莽初開此類大樹所在必不少寰宇記汀州下引牛肅紀聞州初移長汀大樹千餘株皆豫章迫隘以新造州夜故斬伐林木凡斬伐諸樹其樹皆松楓大徑二三丈高者三百尺此其證也今時樹十丈上下者所在常有則高七丈五尺者又烏足以爲瑞圈稱之言特以證酸棗之名縣耳非爲豫章言也包希魯諸人之

賦乃文人夸飾之詞更不足以爲據且左傳之豫章乃十
地名又如水經注之豫章口豫章岡豫章臺水經江水
江陵縣南鄱注江水又東得豫章口夏水所通也西北有
豫章岡蓋因岡而得名或言楚王豫章臺名所未詳也
韓非子之豫章圃三輔黃圖之豫章觀皆將以樂有大樟
爲解乎恐不可通矣龔元玠言大極百圍長幾千尺往往
以名其地蓋亦疑以樹名郡則紀不可通故爲此語以通
之抑知此等大樹如往往以名其地又何足貴而以爲郡
名乎百圍幾千尺又龔老杜詩語可爲文人之藻飾不足
以證故實況與舊說皆不符也庭樹中枯復茂事所常有
本無足異晉人以爲祥不過諛臣獻頌附會爲此況懷帝
終爲漢虜何瑞之足言且一歸諸懷帝一歸諸中宗其爲
因事附會烏可信雷次宗爲豫章記旣採其事獨不及以
樹名郡之說必有所見豈可以以水名郡爲單文孤證乎

是以樹名郡之說亦未可爲篤論然則三說之中仍以雷
說爲是古人名地山水爲多蓋以山水命名則南北東西
疆索易考故漢代郡國之以水得名而見於地理志者如
河東河內河南潁川汝南江夏廬江九江濟陰清河涿勃
海濟南北海東海臨淮桂陽漢中廣漢越巂牂柯西河漁
陽遼西遼東南海鬱林河間蓄川淮陽泗水凡三十一濟
北膠東膠西濟川濟東見諸侯王表又高帝時京兆尹爲
渭南郡左馮翊爲河上郡故秦三川郡高帝更名雒陽南
郡高帝爲臨江郡九江郡高帝爲淮南國沛郡秦爲泗水
郡天水明帝改爲漢陽見地理志其縣之以水得名者尤
不可勝數豫章水會湖漢之水北入江行千九百八十里
此郡之川豫章爲大以之名郡與漢代名郡之義方爲符
合當時豫章爲東南一大郡據今江西全省十三府一州

之地固非此大川不足以表其疆索也一鄉一邑以物得名容或有之豈有如此大郡而區區一樹遂足名之哉或曰因章水得名又烏取乎豫之義而號爲豫章黎方通發此難也何以解之今考寰宇記虔州贛縣下章水源出大庾縣界聶都山從南康縣東北流合西符良熱等水流三十里入縣郭與夷水合南康縣本漢南野縣地聶都山在縣西南二十五里益漿水源出聶都山在縣西五百九十里東流入貢水合西符水至南野口合良熱水一統志引作涼水良熱水出聶都山南康記云蓋謂泉之源也又云熱水其名豫水萬刻寰宇記作御水此從一統志引以下文推之作豫者是漢置豫章郡因此源以爲名也據此則章水之源有名豫者特文有脫誤水之分合源委不甚分明一統志南安府涼熱水在大庾縣西一百三十里東流合平政水寰宇記有良熱水出聶

都山昔名豫水卽此平政水在大庾縣西南五十里源出廣東仁化縣界長嶺合涼熱水又七十里入章江其分合源委較分明也江西通志涼熱水在大庾縣西一百五十里其源一熱一涼熱水池圍二丈餘深尺餘流四步合涼水東入章江寰宇記作良熱水昔名豫水卽此自唐避代宗諱而豫水之名隱矣其所言與一統志稍不同而謂避唐諱而名隱則寰宇記一統志所未及是豫水實章水來源之一派與章合流之後卽得稱豫章其但稱章者省文也此可以解黎氏之難矣或又曰漢時湖漢水最顯漢志鄱餘等水竝云入湖漢若豫章水不言諸水入者又不詳其里數蓋豫章湖漢之孰爲經流尙不能詳若上求之春秋之時是水之卽名豫章且不可知胡氏虔之發難又何以解之今考一統志贛州府貢水下云漢時豫章之水湖

漢爲大故地理志此水下獨云東北入江其彭廬盱蜀諸水皆云入湖漢豫章雖亦云北入大江然不言諸水入此亦不詳其里數疑當時尙未知二水之源異流同姑蒞著之而專以湖漢爲經流也自水經注以豫章爲正源而湖漢之名遂隱是胡說實本于此第漢人地志已無傳者所傳惟班志古人文字簡質豫章湖漢二水其爲源委未詳歟抑述敍偶略歟皆未可知也故一統志亦作疑詞未敢斷其必然因此而遂謂春秋時不名豫章則疑非所疑矣卽如漢與江同爲南條大川而漢之源名漾又名沔又名沮其與江合流處又名夏隨地異名而漢其總稱也班志隴西郡氐道下云禹貢養水養卽澆字說文古文作澆所出至武都爲漢武都郡武都下云東漢水受氐道水一名沔過江夏謂之夏水入江此志漢水之文也沮水出東狼谷

南至沙羨入江過郡五千里荊州川此亦志漢水之文也水經沔水一名沮水出武都沮縣東狼谷中酈注沔水沮卽沔河卽漢故曰荊州川班志不言漢一名沮一若沮自沮漢自漢而荊州川是沮非漢矣此自是志文之疏略不得因此而妄爲之說且漢下但云入江湖漢下則詳過郡及行若千里與豫章下但云入江湖漢下則詳過郡及行若千里文法正同若如胡氏之意亦將疑古無漢水之名乎此亦可以解胡氏之難矣或又曰禹貢無豫章水或立郡之後水以郡名通志之說又何以解之今考禹貢所紀諸水皆隨刊功力之所及其功力之所未及者不必詳也江西之水皆集于彭蠡彭蠡治而豫章諸水之治自不待言水名之不見於禹貢者烏可勝數何獨疑于豫章高帝時灌嬰定豫章郡點布封九江王豫章郡屬焉皆見本

傳則郡之立當在高帝四年豫章之水必非自漢而始有
漢特因水以名郡此亦自然之事不必好奇而立異也又
嘗推原其故左傳昭二十四年豫章之汭注汭水曲也必
有水而後可言汭如漢汭夏汭沙汭淮汭渭汭是也此傳
豫章之爲水名灼然無疑是豫章水雖未見于禹貢而實
著于春秋之時自說者不惜猜字之義不知豫章之確爲
水名遂謂春秋時無豫章水經義之不明羣言競亂而無
從別白此考據家之所以不可廢也余別有豫章考詳日
南讀書記春秋茲不具贅使知左傳豫章之汭乃豫章水
之所著見則漢之以水名郡又何疑之有哉今故綜三說
而論定之如此

豫章水考

豫章水之始見于左傳及豫章以水名郡余旣有說以明

之矣其水之源流若不詳加考訂仍無以明其爲一方之大川也今按漢書地理志豫章郡屬縣贛豫章水出西南北入大江雩都湖漢水東至彭澤入江行千九百八里豫章與湖漢異源同流而志不言者殆班氏未能詳而略之歟豫章之源不出于贛縣而志列諸贛下可以知班之疏矣水經贛水篇贛水出豫章南野縣西北過贛縣東酈注山海經曰贛水出聶都山東北流注于江入彭澤西也班固稱南野縣彭水所發東入湖漢水庾仲初謂大庾嶠水北入豫章注于江者也蓋控引眾流總成一川雖稱謂有殊言歸一水矣故後漢郡國志曰贛有豫章水雷次宗云似因此水爲其地名雖十川均流而此源最遠故獨受名焉按今南安府之大庾南康上猶崇義四縣竝漢南野縣地聶都山在崇義西南九十里是遠在贛縣之上酈注又

云豫章水東北流逕南野縣北贛川石阻水急行難傾波委注六十餘里又北逕贛縣東縣卽南康郡治豫章右會湖漢水水出雩都縣導源西北流逕金雞石又西北逕縣東西入豫章水也此豫章湖漢二水合流之處近世說者皆以爲卽章貢二水也一統志南安府章江在府城南門外源出聶都山東流過府東又東經南康縣南折東北入贛縣界卽古贛水亦卽豫章水亦名南江又名橫江橫浦大庾縣志章江源出聶都山之沙溪洞如星宿海然又贛州府贛水劉澄之曰縣東南有章水西有貢水元和志貢水西南自南康縣來章水東南自雩都縣來二水至州北合而爲一通謂之贛水寰宇記貢水西北流至贛縣東北與章水合章水從南康縣東北流合西扶良熱等水流三十里入贛縣郭與貢水合爲贛水章貢圖經東江發源新

樂經雩都而會章水西江導源大庾縣之聶都山與貢水
會而爲贛按元和志皆以自東來者爲章水自西來者爲
貢水寰宇記始以東爲貢水西爲章水至今仍之又貢水
在贛縣東源出福建汀州界西流經瑞金會昌雩都三縣
又西入贛縣界與章水合一名東江又名會昌江卽古湖
漢水也寰宇記貢水源出汀州新樂山經雩都縣東南四
百七十一里北流至縣入贛縣界西北流八十里至縣東
北二十里與章水合流按貢水今出汀州府西六十里新
路嶺蓋卽新樂之訛明一統志縣水一源出汀州白頭嶺
卽指此也漢時豫章之水湖漢爲大故地理志此水下獨
云東北入江其彭廬盱蜀諸水皆云入湖漢豫章水雖亦
云北入大江然不言諸水入此亦不詳其里數疑當時尙
未知二水之源異流同姑並著之而專以湖漢爲經流也

自水經以豫章爲正源而湖漢之名遂隱又汀州府新路
嶺在長汀縣西六十里一名新樂嶺貢水出此而陷險壁
立沙石崎嶇背卽江西瑞金縣界今按一統志諸說是湖
漢卽貢水其源遠出長汀亦不在雩都殆漢時東南荒榛
初闢故水道之源流尙不能詳班志亦約略言之而已水
經自豫章會湖漢後遂無湖漢之名蓋旣以豫章爲正流
會合之水自不能及而其源遠流長當不止如漢志所言
千九百八里謂之爲一方之大川足以表一方之疆索漢
之以水名郡自無可疑矣至豫章所受之水見于漢志者
九日廬水長沙國安成廬水東至廬陵入湖漢曰南水豫章郡宜春南水
渝水新渝注應劭曰渝水所出西入湖漢曰盱水南城盱水西北至南昌入湖漢曰蜀水建昌入湖漢東至南曰餘水餘汗餘水在北至鄴陽入湖漢曰鄱水鄱陽鄱水
脩水艾脩水東北至彭澤入湖漢行六百六十里曰彭水南壘彭水東入湖漢見于水經

注者與漢志略同牽水卽南水也濁水卽蜀水也循水卽脩水也而無彭水

此水之入湖漢在未會豫章之先水經注略之別有繚水導源

建昌縣東逕新吳縣海昏縣謂之上繚水又謂之海昏江

分爲二水東北逕昌邑城而東出豫章大江謂之慨口則

漢志所無者也見于太平寰宇記者入章之水曰泥溪水

新淦縣曰金水同上曰禾水大和縣曰吉水吉水入貢之水曰湘

洪水零都縣曰雩水上同化龍水上同益漿水南康縣合見

于一統志者南昌府之蜀水修水見漢志者也武陽卽盱

水也馮水卽縹水也此外曰雩韶

豐城縣

曰豐水上爲入章

之水曰西洛水爲入盱之水曰吳源

新建縣名黃源

曰芭蕉源

曰霞源曰潘源曰麥源皆入蜀曰富水曰槎水

扶豐城縣皆會

豐曰龍溪水曰華林水曰雙溪水皆入馮曰桃源水

靖安縣

則入雙溪曰磧溪水曰雙港水曰箬溪港曰魯溪水曰高

坪水曰烟港曰白石港水曰修醴水曰長田港曰鄧埠港
曰楊浦港曰鳳口港曰清江水松武曰楊湖港曰秀水曰
安坪水曰梁溪水曰東津水曰杏元水曰武甯鄉水皆寧
曰鶴源水曰百菖水曰杭口水同曰大橫溪曰長溪松靖
曰官塘源港武甯縣水皆入修曰東鄉水則入武甯鄉水
曰鹿源水則入東鄉水南康府之修水見漢志上條水即
繚水也曰幅帶水曰周坊水曰白沙水曰醴坑水曰向家
水曰白洋水曰雲門水曰水西水曰朱家坳水曰驛南水
並建曰龍江水曰白武水其安曰斛源水曰湖陂水曰皎
源水其靖皆入修建昌府之盱江卽盱水也曰黎川水新
縣曰斤竹澗水南豐曰彭武溪水曰大樂港水曰南塘港
水曰樂田港水曰軍港水曰官蒙水曰雙港水曰粹源水
曰菰河水曰象陂港水曰密港水曰九勦水曰大南澗水

日滄浪水曰宋家港水曰紫溪水曰瞿溪水並南曰長橋
港水曰南村港曰青銅港曰石壁港曰頭陂港曰石梁港
曰文會港曰唐坊港並廣昌縣曰磁龜溪曰梅溪曰澳港曰郭
石溪曰岳溪並南城縣曰學溪曰龍溪曰懊溪並廣昌縣皆入盱曰
七星澗水亦名赤茆澗並南律曰九曲水並新城縣曰九折山水曰九
龍潭水曰鮆源潭亦名游源曰飛猿水曰龍安水並新嘉縣曰三溪
水瀘溪則皆入黎曰沟溪水則入飛猿曰桃溪水曰黃家
嶺水曰瑞溪水曰梅溪水則入龍安曰布溪水則入軍港
撫州府之汝水卽盱水也曰鼈溪水樂安縣自入贛曰箭港
水臨川縣自入章曰臨水臨川縣亦名寶塘水曰夢港水同上卽隋志之夢水曰
連礬水並臨金縣曰金谿水曰苦竹水曰赤橋水曰清江水曰
福水並金縣曰三港口水曰延橋水並東鄉皆入盱曰孤嶺水
曰博陂水曰巴水曰西寧水曰青水並崇仁曰宜黃水宜黃曰

書堂水曰十泥水水樂安曰河源水曰朱源水曰殷坊水曰

龍義水

水安

樂則皆入

臨曰大溪水

水安

樂則皆入

鼈溪曹水

水宜

則入宜黃漳水

水黃

則入宜

曰遠溪水

水大

則入大

溪曰徐莊水

水宜

則入大根竹水

水嚴塘

水曰團水

水則

又皆入遠

溪臨江府之袁江

卽南水

也又名牽水

又名渝水

與澆水

與澆水

並見漢志

泥紅水

卽泥溪水

也石溪水

卽金水

也

巫見漢志

泥紅水

卽泥溪水

也石溪水

卽金水

也蕭水

與澆水

並見漢志

黃金水

與澆水

也

江曰堂公橋溪水

水曰

澆湘水

水曰

藍陂水

水新

曰逆溪

水坑

曰洞下

口水坑東水

水新

曰同水

水新

曰黃金水

水新

曰踢石水

水新

曰洞下

水曰豐田水

水新

曰亭頭水

水新

曰灌水

水新

曰黃金水

水新

曰跳石水

水新

曰洞下

人贛曰太平江

水新

曰頴水

水清江

曰長宣江

水新

曰玉澗水

水新

曰小江

水新

曰汎江

喻曰金灘水

水新

曰八合陂水

水新

曰睦宦水

水新

曰臨川水

水新

曰板陂

水新

曰汎江

水曰盡江

水新

曰距河水

水新

皆入袁

水新

曰頴水

水清江

曰甘流水

水新

曰汎江

則會太平吉安府之瀘江

卽盧水也

作盧水

江西通志

水

水新

水

水新

水

水新

水

見寰宇記曰雲亭江

一名繪水

曰仙槎江曰牛吼江

从泰和

曰恩

江

舊名亦曰永豐水

曰遂江

龍泉縣

曰永新江

永新縣

曰習溪水曰井岡

水

曰橫石水

曰螺湖水

龍泉縣

此與漢志

曰南溪水曰同江水

从吉百

丈礎水

永豐水

曰蜀水

龍泉縣

此與漢志

曰龍溪水曰密溪水

曰染口溪

水曰阜口溪水

曰韶江水

曰射洲水

曰蘇溪水

曰城江水

从萬安

曰文溪

曰武溪

曰清溪

从泰和

皆自入贛曰

仁善江

曰大蓬江

从興國縣

皆入仙槎

曰龍門江

寧都

永豐鄉

水曰黃溪

礎曰百二十際

从永豐

曰白水

籠江曰麻江

从永

曰南

壩水

曰葛溪

从永豐

曰灘水

从泰和

曰義川水

从安福

曰黃陂水

曰袍

陂水

曰理陂水

曰桃源水

曰茭川水

曰仙巖水

曰勝業水

曰琴亭水

曰挑溪水

曰洋潭水

从新

曰漿山水

曰拐湖水

曰鷺嶺水

从寧永

皆入永

新曰浩溪

龍泉縣

入遂江

曰鄭溪

永

縣

入鷺嶺水

曰王江水

安福縣

又曰王水

曰郭水

曰赤谷水

曰荷

溪水曰坦坡水曰智溪水曰同水曰毛停水安皆入瀘
曰明德水興國曰更生水曰修水安皆入王江閣水則入
毛停瑞州府之蜀江卽蜀水也曰隱泉水曰曲水安高皆
自入贛曰棠浦江新昌縣太平鄉諸水所匯曰芳塘江曰長神江曰凌
江一名鹽溪又名邪溪新昌縣曰龍口水曰鐘口水曰龍溪水曰華湯
水曰私溪水曰斷水曰龍陂水安高曰南港水曰石洪港
曰潭埠橋水曰斜口水合末山九峰諸水曰六口水曰界埠會水
曰城溪曰黃田岡水曰益樂水曰水溪曰章舍水曰白竹
港水曰小水基上高曰務農溪高安曰鏡溪曰沙溪曰石拱橋
水基上高曰敖溪曰澄溪曰樵溪曰靈源溪曰宜豐溪曰清
水溪曰德溪曰蓮溪曰儒溪曰洑溪曰西噪溪曰茶溪基新
昌曰清湖曰平湖曰藥湖安皆入蜀曰藤江新昌則入陵
江袁州府之袁江卽臨江府之袁江古南水也龍江卽古

蜀水也曰汝江水自入贛曰九曲水曰仰山水曰清瀝江
水於宜春曰大龍塘水曰禁山水曰庾塘水曰盧塘水曰硯
江水曰寸家礪水曰鳩源水曰痕山水曰赤江水曰介溪
水曰嚴塘水曰渭江水曰竹橋水曰梁塘水曰社山龍潭
曰全塘水曰楊江水曰楊橋水曰野源水於分宜春曰鸞溪
皆入袁曰野瀦河水曰錦江水曰石洞水曰中州江水萬
載皆入龍贛州府之湘水卽湘洪水也曰長步水曰龍溪
水曰梁水於贛皆自入贛曰雲水曰禾溪水曰金溪水曰下拔
口水曰三門灘水曰流陂水曰禾溪水曰金溪水曰下拔
水於雩都江水會諸山所出曰桃江水興國縣亦名平豐江水固江又名興國
曰濂江水安遠縣一皆自入貢曰小河水曰方溪水曰
黃田江水曰北江水曰大樂水曰雙溪水於信豐曰渥水會
之水皇諸山曰太平江水曰濂水會形華程嶺黃土嶺約溪諸水於龍南縣曰角嶠

水曰城門水曰鹹水曰徑水

水南

皆入桃曰瀲江水

興國合

皆

瀲江曰墨斗灣水曰上林水曰君山水曰洛口水

水北會

皆入湘

水曰平子壩水則入濂

南安府

之上猶江卽益縣水也

也

源出湖廣桂陽縣東經上猶縣南亦名縣前水曰大沙河

也

曰平政水曰大明水曰涼熱水曰孤橋水曰峒山水曰和

溪水曰槎水曰五羊灘水曰大黑水曰靈巖水曰密水曰

池江水曰湛口江水

水北

大曰西流水

舊名六秀水

曰封侯

水曰九江水曰蕉溪水曰南壅水

桃水一名

曰禽水曰河田水

分二派一爲坪江一爲瑞陽江

水曰塘江水

水南康水

曰稍水上猶曰西符水

亦謂之西

扶水崇義縣水曰漣泉庾皆入章曰門水猶曰猶水曰造水曰感

坑水曰料水曰禮信水曰石門水曰九十九曲水

水北崇義

皆入益漿曰小沙河

猶水

則入大沙河曰封侯水則入涼熱曰義安水曰南源水則

人西符甯都州之甯都水卽寰宇之虔化水其源名梅川
日清音水曰縣江水曰浮圖水亦名羅水曰凌溪水曰瀟水瑞
金曰琴水曰瀟水與瑞金之瀟水同名此二水合爲大溪亦曰江琴曰
潭水曰桃溪水曰石人嶺水曰新吉水曰龍溪水曰小桃
源水曰小溪水曰鼈溪水曰白沙水皆入甯都曰長橋水
曰古樟水曰陳坊水皆入大溪至甯都水所合之水上游
有黃土嶺諸水安樂新吉密石諸水白河白鹿二水佛婆
銀坑池田諸水若廣信之餘水饒州之鄱水漢志竝云入
湖漢而一統志不言入豫章故其水皆不錄大抵五嶺之
水南流者入于海北流者西入于湘東入于豫章大庾爲
最東之第一嶺故庾仲初謂大庾嶠水北入豫章卽餘鄱諸水亦
也綜而計之江西全省之水皆入于豫章卽餘鄱諸水亦
必會豫章而後入江左傳豫章之納必在由湖入江之處

故得汭之名東南之水此爲最鉅容納多而道里遠也謂之大川以之名郡又何疑哉

明總督巡撫考

明初官制初無總督巡撫之名永樂二年始有巡撫之遣景泰三年始有總督之設或旋設旋罷或旋改他名非定制也嘉靖以後邊疆多事其定設者遂多今略考之如左

總督

薊遼保定等處

嘉靖二十九年置

轉順天保定遼東三巡

撫開府密雲

保定

崇禎十二年設

宣大山西等處

嘉靖二十九年定設

總督陝西三邊弘治十年遣重臣總督陝西甘肅延綏寧夏軍務起左都御史王越任之以後或設或罷

嘉靖四年

定設

初稱提督又改總制十九年始改爲總督

兩廣軍務

景泰三年

苗寇起以兩廣宜協濟應援乃設總

督以後或改總制或改提督

萬曆三年

定改爲總督

四川陝西河南湖廣等處

正德五年

統設尋罷

四川湖廣貴州雲南等處

嘉靖二十七年

設四十一年罷

四川湖廣雲南貴州廣西五省

天啟元年

浙江福建江南兼制江西

嘉靖三十二年

設四十二年革

陝西山西河南湖廣四川五省

崇禎七年

設或兼七省

鳳陽地方兼制河南湖廣

崇禎十四年

設

河南湖廣

崇禎十六年

九江地方兼制江西湖廣

崇禎十六年

貴州湖北川東等處

正統十四年

設旋罷旋設嘉靖四十

二年革

漕運河道

景泰二年

始命王竑總督漕運

嘉靖三十六年

改總督兼提督軍務

萬曆七年

加兼管河道

按明之總督除漕運河道外餘皆因軍務而設其間或改總制或改提督嘉靖後始一律定爲總督

巡撫

淮陽廬鳳四府徐和滁二州

景泰二年總督漕運兼以後

或分設或復舊

嘉靖三十六年

添設提督軍務巡撫鳳陽

都御史十四年併歸總督

宣大

正統元年始遣景泰二年宣府大同各設成化弘治

間有警則遣

應天等府

宣德五年

初命侍郎總督糧儲兼巡撫是年所

遣者工部侍郎周忱也忱傳言先是胡槻爲巡撫用法嚴

忱一切治以簡易是忱之前曾設巡撫

明史熊模傳洪熙元年命以原官與

布政使周幹參政葉春巡視南畿湖江直宗提槩大理寺
則與春同往巡撫南畿浙江設巡撫自此始是時二人同
任江浙事尙非與職官志不合未詳景泰四年定遣都御
一省一人也

史嘉靖三十三年加提督軍務

浙江兼管福建福興建寧漳泉州海道地方提督軍務

嘉靖

二十六年設旋罷三十一年復設按三十一年以倭患復

設其時巡撫王忬也李天寵也然浙江巡撫之見于通鑑者洪熙元年有葉春宣德五年有趙倫正統十四年有張驥是嘉靖以前浙江嘗設巡撫矣志但稱永樂初遣尙書治兩浙農事或巡視或督雖有事則遣未免疏矣張驥係大理少卿知爾時巡撫不盡用都御史也

福建地方兼提督軍務

嘉靖三十五年設

初設爲提督軍

務兼巡福興漳泉州福寧海道都御史後改巡撫統轄全省

順天等府兼整飭薊州等處邊備

成化二年始專設

初設

係都御史贊理軍務巡撫順天永平二府尋兼撫河間真定保定七年兼理八府八年從居庸關中分設二巡撫其東爲巡撫順天永平二府崇禎二年設永平巡撫其舊者止轄順天

郭敦傳永樂十六年擢禮部右侍郎兼太僕寺卿備給事中陶衍巡撫順天

永平兼提督山海軍務

崇禎二年設

保定等處提督紫荆等關兼管河道

成化八年設

分居庸關以西另設巡撫保定真定河間順德大名廣平六府提督紫荆倒馬龍泉等關

河南等處地方兼管河道提督軍務

宣德五年遣兵部侍郎于謙巡撫山西河南

正統七年以右副都御史王來巡撫湖廣河南

景泰七年始專設

河南巡撫

山西等處地方兼提督雁門等關宣德五年山西河南兼見上

正統十三年始專設

旋革復設

山東等處地方督理營田兼管河道提督軍務正統五年始設按宣宗紀宣德五年九月丙午擢御史于謙長史周忱六人爲侍郎巡撫兩京山東山西河南江西浙江湖廣是宣德時山東嘗設巡撫非自正統始也明通鑑時與謙等同命者吏部郎中趙新巡撫江西兵部郎中趙倫巡撫浙江禮部員外郎吳政巡撫湖廣刑部員外郎曹宏巡撫北畿山東而謙與忱任最久績亦最著云

遼東地方贊理軍務

正統元年設

宣府地方贊理軍務

正統元年設

兼理大同景泰二年月

設大同地方巡撫後或併或分

成化十年分設

大同地方贊理軍務

成化十年始專設

延綏等處贊理軍務

景泰元年專設

寧夏地方贊理軍務

正統元年

以右僉都御史郭智鎮撫

寧夏旋罷

天順二年設

甘肅等處贊理軍務

景泰元年定設

陝西地方贊理軍務

景泰初耿九疇以刑部侍郎改都御

史巡撫

明通鑑宣德二年以戶部尙書郭敦巡撫陝西明年五月召還復任

四川等處地方兼提督軍務

正統十四年始設

湖廣等處地方兼贊理軍務

景泰元年定設

江西地方兼理軍務

永樂後間設有時罷遣嘉靖六年始

定設

南贛汀韶等處地方提督軍務

弘治十年始設後改提督

嘉靖四十五年定設

所轄南安贛州南雄韶州汀州并柳州

州地方

廣東地方

永樂中設後以總督兼遂罷嘉靖四十五年復

另設

隆慶四年罷

廣西地方舊有巡撫沿革不常
隆慶四年復專設
樂二年遣給事中雷填巡撫廣西十九年遣郭隨艾廣巡
撫廣東景泰三年兩廣設總督兼巡撫

雲南兼建昌畢節等處地方贊理兼督川貴糧餉正統九年設
鎮撫旋罷成化十二年復設按志云鎮撫則非巡撫
也萬曆中有雲南沈徵炌則實係巡撫志文未分
明耳

貴州兼督理湖北川東等處地方提督軍務
景泰元年設
旋罷旋設嘉靖四十二年裁總督巡撫兼理湖北川東等
處提督軍務

天津地方贊理軍務
萬曆二十五年設

登萊地方
天啟元年設
崇禎二年罷三年復設

安廬地方
崇禎十年設
以史可法爲之

安大池廬四府
崇禎十六年設

偏沅地方

萬曆二十七年

暫設

崇禎二年定設

至三

崇禎十二年設

至三

密雲地方

崇禎十二年設

至三

淮揚地方

崇禎十二年設

至三

承天

崇禎十六年設

至三

按明代巡撫始設于永樂之初然不過一二省所遣者給事中等官亦非都御史也宣德五年擢御史于謙長史周忱等六人爲侍郎巡撫兩京山東山西河南江西浙江湖廣明通鑑謂各省專設巡撫自此始然足是年所設僅八省他省未及也且于謙兼山西河南曹宏兼北畿山東竝以一人治二省之事他如郭敦偕陶衍巡撫順天永樂中則以二人治一省之事熊概葉春巡撫南畿浙江又二人同治二省之事皆非一人一省景泰以後設者漸增漸成一人一省之制然尙非各省皆設也嘉

靖以後分設及專設者日多竝有一二府之地設一巡撫一隅之地設一巡撫者官制之紊世衰之見端也又所設巡撫大抵加贊理軍務或提督軍務之名推其建設之意仍以軍務爲重故紛紛設此專官抑知權合則事克舉權分則事愈不舉彼此該卸其勢然也明初各直省設都布按三司分任兵民刑三事其制未嘗不善無如日久弊生布政使不得其人於是設巡撫以董理之周旋之在江南核減稅糧惟與知府況鐘謀之而布政使不與聞也其官之不職可知矣班軍番上之制所以勤練習乃衛所子弟紳衿氣深不知兵事其士之不振可知矣又設督撫以提督之夫官不職當易官乃不易官而增官士不振當練士乃不練士而增官豈法之善哉今彙而錄之以見衰世之官多而無救于亡可爲

殷鑒矣

畲民攷

福建通志

福州府風俗

吾閩山中有一種畲人相傳槃瓠種也

有槃雷藍等三姓不巾不履自相匹配福州閩清永清山

中最多

五雜俎

連江深山中有異種者曰畲民五溪槃瓠之後也

近羅源古田間多有是種其民短形跣足婦人高髻蒙布加飾如纓絡狀亦跣而雜作以其遠近爲伍姓多淳樸亦受民田以耕謂平民曰百姓

連江志

畲民福出於槃瓠

猺人也隨時有大功封爲王生三子一女長賜姓盤名自

能封貳騎侯次賜姓藍名光輝封護國侯次賜姓雷名巨

祐封立國侯女贊鐘姓名志深者官二品世居會稽七賢

洞後子孫眾多分行自食其力不與庶民交婚無占庶民

田地盤姓今無聞只藍雷鐘三姓蔓延各處在羅源者甚

多雖幼少能鬪弓藥矢不懼猛獸蓋其性也

羅源又仙遊縣

畲民不知所始以雷藍盤四姓爲眾相匹配不與齊民齒

又漳州府窮山之內有藍雷之族不知其所始無土著隨山

遷徙種穀三年土瘠輒棄去去則種竹償之無徵稅無服

役以故呼之曰客兩家自爲婚娶期望衣冠相揖然不讀

書語言不通與世不往來或曰混沌又延平府南平縣里圖圖外

有藍雷之族是謂畲民莫原其始言語各殊男女力作墾

山爲業租庸不及焉自爲婚姻罕與外人酬酢世際升平

亦佃民田耕耨間有一二讀書者乾隆五年編圖隸籍亦

有入庠者蒸蒸然染華氏矣縣志又順昌

猺人以槃藍雷爲

姓楚粵爲盛閩中山溪高深處有之今縣止藍雷二姓俗

呼畲客飲食衣服與世無異今且有出應試者又汀州府汀

猺人與虔漳潮循接壤錯處以槃雷藍爲姓雷一作簍三姓交

婚女不笄飾裹筭以布男結髻不巾不帽隨山種插去瘠就腴多於深山中編荻架茅爲居善射獵以毒藥敷弩矢中獸立弊其人入城貿易多竹器蜂蜜及野獸山禽之類不輸官差自食其力了山主貢稅耳按桂海虞衡志猺本槃瓠之後范蔚宗後漢書盤瓠帝譽之畜狗負少女入南山止石穴中生六男六女自相匹配織績木皮染以太實以爲服飾楚粵爲盛閩中山溪高深之處間有之槃藍雷其種類也府志又福甯縣深山中有異種者曰畲民不知始自何時布散山澤間亦受民田以耕謂平民曰百姓男女雜作以遠近爲伍性多淳樸短衫跣足婦人高髻蒙布加飾如纓絡狀相傳爲五溪槃瓠之後據聞又承春又有畲民巢居崖處射獵其業耕山而食率二三歲一徙嗜好飲食與人殊別男子了髻女子無袴通無靴履嫁女以刀斧

貲送人死剗木納屍少年羣集而歌擘木相擊爲節主者一人盤旋回舞乃焚木拾骨浮葬之將徙取以去云姓三

曰盤曰藍曰雷其盤瓠莫猺之裔也

舊州志

邇來與土民

德化志

又^州龍巖

畬

聯婚改其焚屍浮葬之習力役亦視平民

舊州志

完糧視土著之

民一例雜錄以上通志所記畬民之事極詳七閩幾於無

舊州志

處無之其亦曰畬客者以其隨山遷徙不常厥居其人無

土著故呼之曰客非賤之之謂也通志又載閩陽德周識

略客有間古田風俗者余答曰邑人林春秀詩田家多艱

艱畬客少租山是畬客二字且見之詩詠矣此種人大約

由楚粵入閩散居各郡吾浙宣平景甯等縣亦有畬民殆又由閩而來其不與齊民齒者則風俗之不同也閩人謂火種曰畬故田曰畬田稻曰畬稻豆曰畬豆竝見通志廣

韻九麻畜式車切燒榛種田集韻九麻畜火種也此類人
以耕作爲業故謂之畜民亦稱畜客其字當作畜其讀如
奢者猶之余字之讀若蛇乃方言之變遷通志作畜又作
畜字書竝無其字乃流俗杜撰通志未加訂正之也志所
載黃華畜軍元史本紀作畜可知其誤之顯然矣宋元時
有畜軍元史世祖紀至元二十一年八月放福建畜軍收
其軍器其部長於近處州郡民官遷轉二十二年八月令
福建黃華畜軍有恒產者爲民無恒產者與妻子編爲守
城軍二十四年二月以宋畜軍將校授管民官散之郡邑
仁宗紀皇慶元年十一月調汀漳畜軍代亳州等翼漢軍
於本軍屯田兵志福建之畜軍蓋鄉兵也通志元兵福建
制鄉兵謂之畜軍不出戍他方此元時畜軍之制宋之畜軍
當卽宋志峒丁之屬亦鄉兵也殆募畜民爲兵故謂之畜

軍通志雜錄元外紀至元十五年冬政和縣民黃華作亂
華集鹽夫聯絡建甯括蒼及畲民婦自稱許夫人爲亂詔
調兵討之是黃華之畲軍有畲民在內故名可知宋元之
畲軍其名亦由此起也畲民之作亂者當時又呼爲畲賊
元世祖紀至元二十六年正月畲賊邱大老集眾千人寇
長泰福建達魯花赤脫歡同漳州路總管高傑討平之通
志元外紀至正十八年南勝縣畲賊李國祥挾潮州賊王
猛虎等陷南詔屯府漳州路上萬戶羅良討平之此其事
地又地名有畲洞世祖紀至元十七年十二月陳桂龍據
漳州反唆都率兵討之桂龍亡入畲洞十九年五月招諭
畲洞人免其罪一統志福建龍巖州百家畲洞在漳平縣
南五十里舊志界龍溪安溪南靖龍巖漳平五縣萬山環
抱四面阻塞洞口斗隘僅通人行中寬廣容百家畲田播

種足以自給此洞又以畝田得名

稿一終

枕碧樓偶存稿卷三

文三

釋葵

士虞禮夏用葵鄭注夏秋用生葵周官醢人饋食之豆其實葵菹幽風七月篇七月烹葵及菽繆襲祭儀夏祀和羹莘以葵靈樞五味篇五菜葵甘韭酸薤鹹薤苦蔥辛列女傳魯漆室女傳昔晉客舍吾家繫馬園中馬佚馳走踐吾葵使我終歲不食葵史記循吏公儀休傳食茹而美拔其園葵而棄之宋玉諷賦爲臣煮露葵之羹曹植七啟霜露葵右丞詩松下清齋折露葵少陵詩香宜配綠葵香山詩賓厨何所有炊稻烹葵又云園蔬鴨腳葵東坡詩煮葵燒黍餉春耕蘇頌云葵處處有之苗葉作菜茹更甘美元王禎農書云葵陽菜也其菜易生郊野甚多不拘肥瘠地皆有之爲白菜之主備四時之饌本豐耐旱味甘而無

毒可防荒儉可以茹腊誠蔬茹之要品也是葵爲古人常食之品見于經傳及騷人歌詠者更僕難數大而備祭享細而供膳羞無不用之至宋元猶然升都尉有種葵篇北史蕭大圜曰露葵徵尹君之錄漢書藝文志農家尹都尉十四篇班氏云不知何世其人當在漢以前是古人於種葵之法撰有專書可見爲常用所必需之品齊民要術今世葵有紫莖白莖二種春必畦種水澆而冬種者有雪勿令從風飛去每雪輒一勞之勞雪令地保澤葉又不蟲搘必待露解收必待霜降鮑照園葵賦白莖紫蒂豚耳鴨掌甘旨蒨胞柔滑芬芳消淋逐水潤胃調腸本草孫思邈曰脾之菜也宜脾利胃氣滑大腸別錄云療淋利小便鮑賦義與本草合其云白莖紫蒂亦與齊民要術合左傳成十七年仲尼曰鮑莊子之知不如葵葵猶能衛其足杜注葵

傾葉向日以蔽其根急就篇葵韭蕙蘿蓼蘇薑顏注衛足
之菜傾葉而蔽日者也一切經音義十八葵菜也隨日者
也其形狀情性亦約略可見今則幾不知葵爲何物李時
珍云今人不復食亦無種之者則在明代已不爲常食之
品矣考之爾雅釋草以葵名者四曰蓎兔葵芹楚葵蒼戎
葵蔥葵繁露也見于郭注者二曰荆葵莖葵也蓎兔葵郭
云頗似葵而小葉狀如藜有毛沴啖之滑本草唐本注云
菟葵苗如石龍芮而葉光澤花白似梅其莖紫黑煮噉極
滑所在下澤田間皆有人多識之衍義云唐劉夢得還京
云唯免葵燕麥動搖春風者是也芹楚葵郭云今水中芹
菜蒼戎葵郭云今蜀葵也似葵華如木槿華郝氏懿行義
疏云蜀葵似葵而高大戎蜀皆大之名非戎蜀來也或名
吳葵別錄胡葵爾雅翼胡吳亦皆謂大也今蜀葵葉如葵

而大莖高丈餘江南呼爲丈紅華京師呼秫稽華登萊呼
秫齊華竝蜀葵之聲相轉耳蔥葵繁露郭云承露也大莖
小葉華紫黃色本草落葵一名藤葵食鑑一名天葵別錄
陶弘景云落葵又名承露人家多種之葉惟可飪鮮食冷
滑其子紫色女人以漬粉傅面爲假色李時珍云落葵三
月種之嫩苗可食五月蔓延其葉似杏葉而肥厚軟滑作
蔬和肉皆宜八九月間開細紫花纍纍結實大如五味子
熟則黑色採取汁紅如燕脂女人飾面點脣及布物謂之
胡燕脂亦曰染鋒子落二字相似疑落乃葵之訛也岐
此鈔郭云今荆葵也似葵紫色謝氏云小草多花少葉葉
又翹起陸璣疏云茈一名荆葵似蕪菁華紫綠色可食
微苦爾雅翼云荆葵華如五銖錢大色粉紅有紫文縷之
一名錦葵郝氏義疏云今順天呼回回秫稽高二三尺葉

頗不似蜀葵如羅願所說其實則如蜀葵之實惟形小耳
蜀苦莖郭云今莖葵也葉似柳子如米杓食之滑時珍曰
爾雅同別有蕷茆一文竝訓鳧葵也詩泮水正義與
云茆與荇菜相似葉大如手赤圓有肥者著手中滑不得
停莖大如匕柄葉可以生食又可鬻滑美江南人謂之蓴
菜或謂之水葵諸陂澤中皆有桂氏馥云華豬蘿茆絲蘿
本草之以葵名者又有防葵恭曰根葉似葵花子根
葵宗奭云黃蜀與蜀葵別種非是蜀葵中黃者也時珍曰
葉大如蓖麻葉深綠色開歧子有五尖如人爪形旁有
尖六月開花大如盤鶩黃色紫心六瓣而側日開午收暮落人亦呼爲側金蓮花
時珍曰四月生苗嫩時可食柔滑暫高二三尺莖大如指
似燈籠草而無毛葉似茄葉而小五月以後開小白花五
出黃葵耳別名陸氏詩疏云其葉青白胡荽白華細
蕊莖蔓生可煮爲茹滑而少味時珍曰其味滑如
葵故名地葵
蒲葵見喬木櫟下葉可爲扇者嵇含南方草
地葵大狀蒲葵如柳葉而柔薄可爲葵笠出龍川

凡以葵名者甚夥蒲葵葉但可爲扇戎葵黃蜀葵但可供庭除之玩防葵但可入藥兔葵龍葵地葵雖亦可食而非菜茹之品楚葵鳩葵生於水澤今皆食之而非植物莖葵以性滑得葵名非眞葵也惟葵葵荆葵二種或有以爲卽七月烹葵之葵者然荆葵景純但曰似葵而不以爲眞葵蔥葵則以大莖小葉之承露釋之本草亦別二種于葵之外似尙非專名爲葵之葵也齊民要術稱葵有紫莖白莖二種與明遠賦之白莖紫帶相合陸佃埤雅引齊民要術之語謂是卽七月烹葵之葵陳啟源毛詩稽古編以其說爲允李時珍曰葵菜今之種者頗鮮有紫莖白莖二種以白莖爲勝大葉小花花紫黃色其最小者名鴨腳葵其實大如指頂皮薄而扁實內子輕虛如榆莢仁四五月種者可留子六七月種者爲秋葵八九月種者爲冬葵經年收

採正月復種者爲春葵然宿根至春亦生據此名狀固非
一名承露之葵葵亦非多花少葉之荆葵也郝氏爾雅義
疏荅下引阮芸臺之說謂卽經典所謂葵今人不識惟揚
州人以爲常蔬清油淡芻味極甘滑其言他無確證姑備
一說可也方氏通雅謂古人以葵爲野菜之通稱此臆說
不足據近人滄州葉孝廉主綏著葵菘考謂葵卽今之白
菜光緒滄州志此書尙未刊行駁之曰白菜無莖亦無紫色者況
七月非成熟之時乎按唐高適白菜詩云耕地桑柘間地
肥菜嘗熟爲問葵藿資何如廟堂肉諺白菜而以葵藿爲
比則葵非白菜審矣

釋菘

葉君葵菘考既以葵爲今之白菜遂謂今之白菜非古之
菘力闢菘卽白菜之說蓋據陸璣草木疏對蕪菁也郭璞

云今菘菜陸德明云江南有菘江北有蔓菁張耒詩蕪菁至南皆變菘諸語而創爲此論不知菘之類本不一陶弘景云菘有數種猶是一類爾雅釋草葵蘆菔孫炎注云紫花菘也俗呼溫菘似蕪菁大根俗名盧筭一名蘆菔王篇蘆菔江東呼菘菜蘇頌云紫花菘溫菘皆南人所呼吳人呼楚菘廣南人呼秦菘陳藏器云蕪菁北人名蔓菁塞北河西種者名九英蔓菁亦曰九英菘御覽引爾雅舊注云江東呼蕪菁爲菘方言豐蕪蕪菁也郭注轉舊音錄今江東音嵩字作菘也蘆菔蕪菁皆菘類故亦得菘名齊民要術云菘葉似蔓菁無毛而大寇宗奭云菘葉如蕪菁綠色差淡此正是今之白菜形狀本草綱目正誤云恭曰菘有三種牛肚菘葉最大厚味甘紫菘葉薄細味少苦白菘似蔓菁也菘菜不生北土有人將子北種初一年卽半爲蕪

壽二年菘種都絕頃曰菘南北皆有之與蔓菁相類梗長葉不光者爲蕪菁梗短葉闊厚而肥腴者爲菘舊說北土無菘今京洛種菘都類南種但肥厚差不及爾時珍曰白菘卽白菜也牛肚菘卽最肥大者盧菘卽蘆菔也開紫花故曰紫菘蘇恭謂白菘似蔓菁者誤矣根葉俱不同而白菘根堅小不可食又言南北變種蓋指蔓菁紫菘而言紫菘根似蔓菁而葉不同種類亦別又言北土無菘者自唐以前或然近則白菘紫菘南北通有惟南土不種蔓菁種之亦易生也按綱目之說甚爲明了退之詩早菘細切肥牛肚蘇頌云揚州一種菘葉圓而大或若筭啖之無渣絕勝他土者疑卽牛肚菘東坡詩白菘類羔豚亦言其肥厚他菜所不及也今則北之白菜遠勝南方殆天時地氣皆有變易歟若天名精一名地菘夢溪筆談言其葉似菘又

似蔓菁本草入隰草類卽爾雅釋草之列甄豕首也滄州
新志誤以地菘爲蔓菁蓋失之未考耳

釋疏

說文新附有蔬字許所無也經典多作疏其作蔬者皆後人所改爾雅蔬不熟曰饁周禮太宰注引作疏曲禮稻曰嘉蔬釋文作疏周禮大祝注亦引作疏一切經音義十八亦引作疏是唐時尙未誤也月令仲冬之月有能取蔬食者呂氏春秋淮南子並作疏一切經音義十七引字林云蔬菜也遵義鄭知同說文新附考謂是漢魏間字考小爾雅廣物篇菜謂之蔬淮南主術篇高誘注菜蔬曰疏國語鄭語韋昭注疏草菜之可食者小爾雅爲漢末人書前人有定論高誘建安中人韋昭三國吳人則以爲漢魏間字者近是史記公儀休傳食茹而美拔其園葵而棄之枚乘七發

秋黃之蘇白露之茹李善注茹菜之總名也漢書食貨志
菜茹有畦詩七月箋場圃同地耳物生之時耕治之以種
菜茹正義曰茹者咀嚼之名以爲菜之別稱故書傳謂菜
爲茹應劭漢官儀大官令有果丞掌果蓏菜茹後漢書羊
陟傳常食乾飯菜茹馬融廣成頌芳茹甘茶是漢時謂菜
爲茹此後則吳志步驤傳與驤旌惟菜茹而已爾雅菜謂
之蔌郭璞注蔌者菜茹之總名晉書地理志菜茹百畦尙
多以菜茹連言東觀漢記趙孝夫婦食蔬茹菜則又別菜
與蔬爲二其以菜蔬二字連言者惟高誘耳茹蔬同部恐
以蔬專屬之菜者由茹而轉也論語述而飯疏食孔安國
曰疏食菜食似西漢已謂菜爲疏然繹孔之義疏當訓麤
言食之麤者但有菜無他肴耳皇侃鄉黨疏曰疏食麤食
也詩小雅彼疏斯稗箋云疏麤也如以疏爲菜則鄉黨之

疏食菜義語便重沓不可通矣至疏字古義周禮臣妾聚斂疏材鄭注疏材百草根實可食者而引爾雅疏不熟曰僅以證之百草之根如蘆菔蕪菁之屬百草之實如瓜瓠蓬虆之屬此專指草之根實言委人凡疏材木材鄭注疏材草木有實者月令仲冬之月有能取疏食者注草木之實爲疏食正義曰山林疏食榛栗之屬數澤疏食蓬虆之屬此兼草實木實言揚雄太元經求其疏穀晉范望注果爲疏穀也則又專指木實言曲禮稻曰嘉疏鄭注稻菰疏之屬也則穀實亦可稱疏蓋穀亦草類也國語曰烈山氏之子曰柱能殖百穀百疏又曰棄能播殖百穀疏是疏之類甚多舉成數故號之曰百疏然皆指其實言蘆菔蕪菁之類根卽實也其莖葉可食者而亦謂之爲疏乃推廣之義許書旣不收蔬字而于疏字下並不取爾雅之義菜下

則曰草之可食者果下則曰木實也蓏下則曰在木曰果
在艸曰蓏此據齊民要術太平御覽所引今本作在地
段玉裁曰惟在艸曰蓏故其字从艸推許之意木之實曰果艸之實曰蓏草之葉可食者曰菜古義如是不相淆也然則別出蔬字而專屬之菜非古義也

釋果蓏

說文訓果爲木實而又曰在木曰果在艸曰蓏是果蓏一類但有草木之分耳易說卦傳爲果蓏宋衷注木實謂之果草實謂之蓏桃李瓜瓞之屬釋文馬云果桃李之屬蓏瓜瓠之屬周禮甸師鄭注亦以桃李瓜瓞分屬果蓏場人注則桃李作棗李瓜瓞作瓜瓠漢書食貨志瓜瓠果蓏注應劭曰木實曰果草實曰蓏張晏曰有核曰果無核曰蓏甸師正義曰鄭云果桃李之屬是有核者也蓏瓜瓞之屬是無核者也此從張晏之義按鄭于周禮注用張晏義而

喪大記注果瓜桃之屬是又以瓜爲果蓋對言則果蓏分散文則蓏之類亦得稱果猶之禽獸二字對言則禽獸分散籩其實棗柰桃乾蔗棕實加籩之實蓬芡柰脯至韭菁茆葵芹菹諸菹自爲四豆之寶別掌于醢人是蔑芡與棗柰等爲類而不與韭菁等爲類漢書食貨志菜茹有畦瓜瓠果蓏殖于疆易急就篇園菜果蓏助米糧區果蓏與菜爲二皆可與許義相證東觀漢記注云芥水草實也此正許書之蓏屬則凡類于芥若凌若蓮若鳧茈若慈姑皆蓏屬也說文芋大葉實根駭人則芋亦草實也凡類于芋若蘆菔若蔓菁卽蕷蘋若甘藷其根卽實亦皆蓏屬也自來類書不明許義蓏菜互淆人自爲說或且于志書物產門內改舊本菜屬爲蔬屬蓋由徇輓近之名而未究古義耳

釋蓬

錢梅溪冰履菴叢話云漢書賈山傳使其後世曾不得蓬
顆蔽冢而託葬焉師古注蓬顆謂土塊張華博物志徐人
謂塵土曰蓬塊今吳人方言謂之蓬塵卽灰塵也杭人方
言又謂之蓬坡兒坡亦塵也如曹植詩轉蓬離本根飄颻
隨長風何意回飈舉吹我入雲中蕪城賦孤蓬自振驚砂
坐飛卽莊子蓬之心管子飛蓬之間皆言塵土之義未必
是蓬草也然古人亦有認作蓬草者如司馬彪詩百草應
節生含氣有深淺秋蓬獨何辜飄搖隨風轉又唐人蔣防
轉蓬賦凌寒後雕雖有慙于松柏近秋俱敗亦無愧于蘭
蓀觀此則知古人錯認之處不少試思蓬草何物豈能吹
入雲中而隨風轉耶按晏子春秋雜上篇云譬之猶秋蓬
也孤其根而美枝葉秋風一至根且拔矣說苑敬慎篇亦

有此語商君書禁使篇今夫飛蓬遇飄風而行千里乘風之勢也淮南說山訓見飛蓬轉而知爲車陸佃埤雅云其葉散生如蓬末大于本故遇風輒拔而旋然則子建詩雜用晏子商君語正指草言李善注亦引說苑爲證司馬詩蔣賦皆非錯認史記老子傳不得其時則蓬累而行張守節正義蓬沙磧上轉蓬也累轉行兒也蓬其狀若蟠蒿細葉蔓生于沙漠中風吹則根斷隨風轉移也戴侗六書故云蓬蓬蒿也葉全白而毛似艾亦可稱爲艾故謂蟠蒿又謂艾蒿花如柳絮相輒如毬遇風則飛旋故謂蓬科轉蓬詩人所謂首如飛蓬是也爾雅釋彫蓬郝氏懿行義疏云說文蓬蒿也籀文省作葦蓋葦之言葦葦枝葉絲盛蓬蓬然故謂之蓬今驗秋蓬葉似松杉秋枯根拔風卷爲飛所謂孤蓬自振此卽翫彫蓬矣合參兩說轉蓬之爲草也明

甚至賈山傳注服虔曰謂塊墣作冢喻小也臣瓊曰蓬顆猶裸顆小冢也晉灼曰東北人名土塊爲蓬顆師古曰諸家之說皆非顆謂土塊蓬顆言塊上生蓬者耳舉此以對冢上山林故言蓬顆蔽冢也梅溪節錄注文大失師古之意繹賈傳本義蓬字仍應作蓬艸解有草故能蔽冢若如諸家之說止是土塊何蔽之有當以師古之說爲長蓬塵自爲一義不必與轉蓬相混晉灼所言正可取以爲證何梅溪反不取也

釋萱

本草隰草類萱草宋嘉祐蘇頌曰萱草處處田野有之俗名鹿蔥五月採花八月採根今人多採其嫩苗及花跗作菹食李時珍曰萱宜下溼地冬月叢生葉如蒲蒜輩而柔弱新舊相代四時青翠五月抽莖開花六出四垂朝開暮薦

至秋深乃盡其花有黃紅紫三色結食三角內有子大如梧子黑而光澤其根與麥門冬相似最易繁衍南方草木狀言廣中一種水蕙狀如鹿蕙其花或紫或黃蓋亦此類也或言鹿蕙花有斑文與萱花不同時者謬也肥土所生則花厚色深有斑文起重臺開有數月瘠土所生則花薄而色淡開亦不久嵇含宜男花序亦云荆楚之土號爲鹿蕙可以薦趙尤可憑據今東人採其花跗乾而貨之名爲黃花柰爾雅翼萱說文曰蕙令人忘憂草也引詩安得蕙草又作蘶及萱又名宜男草周處風土記以爲其花宜懷姪婦人佩之必生男傳玄賦云充后妃之盛節兮登紫微之內庭二句乃夏侯湛忘憂草賦語羅偶誤記則古之婦女蓋佩之矣此草又名鹿蕙鹿所食九草之數而沈約鹿蕙詩云野馬不任騎兔絲不任織旣非中野華無堪麝

食約意以爲野中所無鹿不得而食之今人亦取其華爲
茹晏元獻公謂鹿蔥花中有鹿斑文與萱小同大異開花
亦不近時羣芳譜萱苞生莖無附枝繁萼攢連葉四垂花
初發如黃鵠觜開則六出時有春花夏花春秋花冬花四季
色有黃白紅紫麝香重葉單葉數種與鹿蔥相似惟黃如
蜜色者清香春食苗夏食花其穉芽花跗皆可食鹿蔥色
頗類萱但無香爾鹿喜食之故以命名然葉與花莖皆各
自一種萱葉綠而尖長鹿蔥葉圓而翠綠萱葉與花同茂
鹿蔥葉枯死而後花萱一莖實心而花五六朵節開鹿蔥
虛心而花五六朵竝開於頂萱六瓣而光鹿蔥七八瓣本
草注萱卽今之鹿蔥誤廣羣芳譜云按嵇含宜男花序荆
楚之土號爲鹿蔥根苗可以薦于俎世人欲求男者服之
尤良則古人亦以鹿蔥爲萱花蓋一類而二種也 按萱

草黃花菜鹿蔥三物蓋一類而異種者也萱與鹿蔥之不同羣芳譜辨之最爲明了晏元獻已謂二物小同大異開花亦不竝時是宋人早明其爲二物嘉祐本草謂萱卽鹿蔥自是蘇頌之誤李時珍反以晏說爲謬蓋未經目驗之故時珍又謂其苗烹食氣味如葱尤爲臆說萱之蜜色清香者與葱之氣味甚懸絕也玩休文鹿蔥詩似亦不以鹿蔥爲萱也萱與黃花菜之不同惟宋氏種植書云萱有三種單瓣者可食千瓣者食之殺人惟色如蜜者香清葉嫩可充高齋清供又可作蔬食不可不識者也採花入梅醬砂糖可作美菜鮮者積久成多可和雞肉其味勝黃花菜彼則山萱故也此可以破時珍之說宋氏說載羣芳譜當亦由目驗得之折肱漫錄曾覽高氏尊生八牋注萱草花苗皆可作蔬食千葉者食之殺人予向戒不食後見北路

所種多千葉者心疑之予家園中有千葉花人多採食之無恙予因諦審之此花地瘦卽單葉地肥卽變千葉原非兩種高氏之言蓋承訛非親試也此與李時珍肥土瘠土之說合近於庭院中購得萱與黃花菜若干本初亦未知其爲二物也時花人來言萱葉寬黃花菜葉窄萱先開黃花菜後開驗之誠然萱花朝開暮合梁徐勉賦所謂隨晦明而舒卷者也黃花菜花暮開朝合與萱正相反萱一莖花不過五六朵黃花菜一莖花或七八朵萱花赭黃色花瓣上有斑點黃花菜色較淺花瓣上無斑點此又其小異者至於其葉四垂其跗六出則相同也惟所見者僅黃萱一種如曹植頌之綠葉丹華夏侯湛賦之灼灼朱華徐勉賦之開紅散紫皆未之見且皆夏花餘三時花亦未見羣芳譜之所載蓋較詳矣又南方草木狀水蔥花葉皆如鹿

之揭又典婦功物書而揭之注鄭司農云若今時題署物
地官泉府以其賈買之物揭而書之注鄭司農云物揭而
書之物物爲揔書書其賈揭著其物也釋文揔音牋王篇
稟古文牋牋者箋之或體說文箋表識書也稟或書作揔
揔又譌爲揔先鄭之所謂揔書卽叔重之箋表識書也古
者爲書皆用木片剗木也牘書板也牒札也札牒也名字
竝从片从木有所題署表識竝以剗木爲之謂之揭若後
世之牌子是也此又弋桀引伸之義也先鄭之爲大司農
在章帝建初六年其作牋在先未及見蔡倫紙故時引揭
稟以爲況迨倫紙旣行則凡題署表識之事或亦有所變
通歟彭兆蓀潘瀾筆記周官揭稟二字如職幣泉府職金
則是以板書表物蓋牌子之屬如蜡氏司烜則搆杙之屬
揔同牋不過作表識解所謂今時之書有所表識謂之揭

獮者正是以板木表識故字皆从木書是錄記非典籍之謂向見王述菴司寇有五經揭獮一書藁本此蓋但見職金注文遽以名書而未詳字義并亦忘其爲非吉語按彭所云非吉語者正指司烜氏及尹賞傳乃是以木植立於其地與書籍之義甚遠可見讀古人書當詳究而通考之方少誤謬此事豈易言哉

釋旛旂

楚辭九辯竊悲夫蕙華之曾敷兮紛旛旂乎都房王逸注旛旂盛兒詩云旛旂其華司馬相如上林賦垂條扶於落英幡纏紛容蕭蓼旛旂從風史記索隱張楫云旛旂猶阿那也說文於部旛旂旂施也段注旂施疊韻字在十七部許於旛曰旂施於木曰旂施於禾曰旂移皆讀如阿那檜風猗儻其枝傳云猗儻柔順也楚辭九旛九歎則皆作旂

旒上林賦旖旎文選作猗靡漢書作椅杌攷工記注則作倚移與許書禾部合知以音爲用製字日多廣韻集韻曰婀娜曰旖旎曰棖搖皆其俗體耳本謂旌旗柔順之兒引伸爲柔順之稱椅移與旖施同許以从於从禾別之按

旖旎之旒許作施於部施旗兒从於也聲段氏謂俗改爲

旒从尼聲殊失音理然自唐韻已有旒字則沿用久矣據此言

唐賦旖施六書故旌旗偃靡兒揚子雲甘泉賦夫何旗旒

郅偈旖旎也服虔曰旖旎從風柔弱兒漢書顏注旒繆之

形也司馬相如大人賦掉指橋以偃蹇兮又旖旎以招握

韓愈元和聖德詩旂常婀娜則作婀娜廣韻旂旌旗旂兒

則旂又省作旂皆字之本義王子淵洞簫賦形旂旂以順

吹兮此笛形之旂旂也揚雄反離騷乘雲蜺之旂旂兮注

旂旂雲兒此雲之旂旂也唐閻楚封臨風舒錦賦狀臨風

之旖旎此錦之旖旎也竇勣述書賦纖慢旖旎此書法之
旖旎也皆引伸之義宋玉高唐賦猗靡豐沛注猗靡柔弱
下垂兒又王粲柳賦紛旖旎以修長成公綏木蘭賦繁旖
旎之弱條及九歎上林賦所言則指花木於許書當作嫋
施蓋後來不復分別矣惟王叔師言盛兒與叔重義少異
東方朔七諫橘柚萎枯兮苦李旖旎意與叔師同今人蓋
二義兼用之列子黃帝吾與之虛而猗移釋文至順之兒
此又委蛇之異文也

釋颯沓

說文颯翔風也王注小徐作朝風風賦注引作風聲廣韻
同楚詞九歌風颯颯兮木蕭蕭風賦有風颯然而至此風
聲之證江賦八風不翔春秋考異郵八風以節郵翔此風
稱翔之證惟翔亦同也與飄回義不殊應瑒西狩賦颯沓

風翔杜甫熱詩第二首想見陰宮雪風門颯沓開颯沓連語

本指風言文選傅毅舞賦颯沓合并六臣張銳注颯沓盤旋兒李善本作颯攜注云屈折兒下文拉揩鵠驚注云拉揩飛兒拉者颯之假借字羽獵賦猋拉雷厲李善注拉風聲也則拉沓卽颯沓也鮑照舞鶴賦颯沓矜顧注颯沓羣飛兒與舞賦之往足以相證謝朓詩參差遠雁沒颯沓羣鳬驚鮑照白紵舞歌詞珠履颯沓紈袖飛沈約從齊武帝郎邪城講武詩颯沓佩吳戈劉峻廣絕交論颯沓鱗萃則皆指人言鮑照詠史詩賓御紛颯沓鞍馬光照地字典颯沓眾盛兒李白詩銀鞍照白馬颯沓如流星蓋卽用鮑賦語亦指人言梁簡文帝詩雲霞紛颯沓則指雲霞言皆引仲之義連語形容多相假借也

釋玲瓏

廣雅釋詁

四

玲瓏聲也王念孫疏證玲瓏者說文玲玉聲

也玲與瓏一聲之轉說文籠答也答之轉爲籠猶玲之轉爲瓏合言之則曰玲瓏倒言之則曰瓏玲班固東都賦龢聲玲瓏李善注引埤蒼云玲瓏玉聲也范望注太玄唐次三云瓏玲金玉之聲也法言五百篇云瓏玲其聲者其質玉乎釋訓云鈴鈴聲也齊風盧令令毛傳云令令瓔環聲也漢書天文志云地大動鈴鈴然廣韻磬大聲也義與玲瓏竝相近按玲瓏有二解廣韻以聲音文心雕龍聲轉於吻玲玲如振玉聲張嘉貞空水共澄鮮賦玲玲瓏瓏皮日休補九夏歌玲玲衡笄蓋單言曰玲曰瓏雲笈七鑑佩玲帶月珠合言曰玲瓏倒言曰瓏玲疊言曰玲玲瓏瓏又作瓏張衡羽獵賦鸞鳴瓏玲是也此一義也又文選吳都賦珊瑚幽茂而玲瓏劉逵注玲瓏明貌游天台山賦朱闕玲瓏於

林間李善注引晉灼漢書注玲瓏明見貌

古泉猶注作瓏玲

此

以貌言沈休文詠月詩入青瑣而玲瓏太白詩卻下水精

簾玲瓏望秋月昌黎詩百葉雙桃晚更紅窺窗映竹見玲瓏香山詩巖泉滴久石玲瓏玲瓏雲髻生花樣吳融雪詩

日射更玲瓏柳柳州詩橘柚玲瓏透夕陽皆後一義昌黎

詩玲瓏晚花乾梅堯臣詩荷葉垂玲瓏則疊言之亦有後

一義也

釋梧

說文午部梧逆也古書多假借作梧儀禮旣夕若無器則梧受之注云謂對相授不委地疏云若無器則對面相授受故梧受之梧卽遯也對面相逢受也釋文作梧五故反是此經本作梧釋詁逢遯也故疏云相逢受梧逆也逆迎也與逢受之義相合聘禮賓進訝受几于筵前注云今文

訢爲梧公食大夫禮上介受賓幣從者訢受皮注云今文
曰梧受益可證既夕篇之本作梧而不作梧梧受又卽訢
受訢亦迎也爾雅釋丘當途梧丘釋名云當途曰梧丘梧
忤也與人相當忤也釋文梧五故反廣韻梧與忤同忤爲
梧之俗體此梧亦梧之假借也史記留侯世家余以爲其
人計魁梧奇偉集解應劭曰魁梧丘虛壯大之意索隱蘇
林云梧音忤蕭該云今讀爲吾非也漢書張良傳注蘇林
曰梧音悟師古曰魁大貌也悟者言其可驚悟說文遯相
遇驚也莊子達生篇遯物而不懼釋文引爾雅遯忤也是
梧遯相通又假借作梧也史記項羽世家莫敢枝梧集解
如淳曰梧音悟枝梧猶枝桺也瓊曰小柱爲枝斜柱爲梧
今屋梧邪柱是也漢書項籍傳注音梧之悟作吾乃傳刻之鵠韻會引漢書正作悟此梧
字亦取梧遯之義釋名釋宮室篇梧在梁上兩頭相觸梧

也漢書王莽傳財饒斂足亡所梧意注師古曰梧逆也無人能逆其意也此注與莫敢枝梧之語可相發明言無人敢枝柱梧逆也漢書司馬遷傳或有抵梧注如淳曰梧讀曰迕相觸迕也師古曰抵觸也梧相支柱不安也梧音梧史記集解序引班語作抵梧索隱梧五故反抵者觸也梧亦斜相抵觸之名案今屋梁上斜柱曰柱梧是也直觸斜觸皆曰抵斜觸謂之梧下觸謂之抵抵梧言其參差也韻會引漢書亦作抵梧方氏通雅引遷傳作抵梧與韻會合未知是別有所據之本抑卽據史記序也方氏謂字當作梧則未知梧爲梧之假借字也說文無梧玉篇始有梧注云吾故切受也又斜柱也前一義卽本儀禮之梧受但云受也按之經文之意似未明顯恐或有脫文

後一義卽取漢書臣瓚之說變木旁爲手旁乃後起之字廣韻梧五故切斜柱也又枝梧則并

枝梧之梧亦作梧矣皆非古義類篇集韻韻會二云梧斜
相抵觸也蓋本於史記索隱至從生之梧玉篇廣韻皆不
收集韻在模韻訛胡切獸名與抵梧之義更不相涉後人
訛梧爲悟字彙竟云梧五故切與忤同字典已斥其謬乃
因梧字誤作牛旁并抵字亦從牛旁相沿作牴梧則尤爲
失之山海經北山經求女之山其中多滑魚其音如梧郭
璞注如人相枝梧聲音吾子之吾是枝梧之梧作平聲讀
自晉已然當同爲蕭該所非後來更省作支吾朱子上宰
相書熹雖衰病不堪吏役尙可勉悉疲憊以備鞭策至其
必不可支吾而去後來之人亦得以因其已成之緒葺理
整頓揚萬里中秋詩去歲中秋正病餘愛他月色強支吾
方岳詩老去雲山空跌宕秋來風月不支吾蓋後來俗語
皆作平聲也廣韻作枝梧尙在遇韻文選長門賦離樓梧

而相擇善注漢書音義臣瓚曰斜柱爲梧五臣注梧逆也後漢書徐登傳梧鼎而爨章懷注梧支也此二梧字又枝梧之引伸也

釋璫

璫玉篇穿耳施珠也廣韻耳珠皆專以耳飾言說文新附字璫華飾也鄭氏珍曰按史記司馬相如傳華棖璧璫索隱引韋昭云裁玉爲璧目當棖頭司馬彪云璧爲瓦之當也瓦當與韓子外儲說玉卮無當瓦卮有當同作底知古止作當字俗因呂璧爲之增从玉他書有耳璫釋名云穿耳施珠本出於蠻夷所爲今中國人倣之又其後義此說專以璧璫言以今考之漢豔歌姮娥垂明璫張協玄武館賦華璫四垂後漢書輿服志簪珥耳璫垂珠是璫爲下垂之飾焦仲卿妻詩耳著明月璫此飾於耳者與玉篇廣韻之訓合者也他如晉

孟珠曲玉釵明月璫江總梅花落曲天姬墜馬髻未插江
南璫此飾於首者晉白紵舞歌趨步鳴玉舞瑤璫阮籍詩
左右佩雙璫柳宗元詩瓊佩觸明璫此飾於身者梁昭明
太子開善寺法會詩神幢明月璫梁元帝梁安寺刹下銘
垂琬琰之文璫飾琅玕之仙寶唐太宗詩翠幌耀明璫此
飾於器物者下垂之義與瓦當之作底解者亦得相引伸
實則同一義也前漢宦者傳秦漢中常侍參用士人冠皆
銀璫左貂其制未詳疑亦冠飾之下垂者古者充耳有飾
耳璫之制恐亦中國本有非出於蠻夷鄭說尙有未盡

釋沙

紗字說文不收古止作沙吳越春秋注引十道志西施浣
沙石紀文達昀庚辰集注云沙字諸本多作水旁周禮天
官內司服有素沙鄭玄注曰素沙今之白縷也今世有沙

穀者名出于此陸德明經典釋文曰縛劉音絹聲類以爲今作絹字然則古字本从水不從糸本按釋名穀又謂之沙穀亦取跋跋如沙也是漢時紗字多作沙紗乃後起字也佩文韻府石字下引十道志沙作紗蓋傳鈔者從俗體

釋攬

攬廣雅銳也玉篇攬揜貫刺之也

張衡西京賦又族之所攬揜薛綜注攬揜貫刺

之類篇刺也說文新附字刺也銳刺二義相引伸許書不收攬字金部鐫銳也刺經音義卷鐫刺下引說文鐫字謂論文作攬非體則攬乃後起字也今俗有攬和攬扶二義攬和乃北方方言不見字書刑律鹽法門凡客商將官鹽插和沙土貨賣者杖八十此仍明律原文元史刑法志諸賣鹽局官煎鹽竈戶販鹽客旅行鋪之家輒插和灰土硝鹺者笞五十七則明律又本於元也又比引律條一發賣

豬羊內灌水及米麥等插和沙土貨賣者比依客商將官鹽插和沙土貨賣律杖八十說文插刺人也引伸之有和意故其字作插和吏部則例鹽斤攬和沙土字作攬蓋沿用俗字然攬亦訓爲刺與插字義得相通此插和之所以變爲攬和也攬扶亦北人方言光緒順天府志攬相扶也河關志注謂扶日攬世俗通語正字通攬舊注扶也非本語長箋云當作僂亦非是古字書茲無此訓類篇攬又仕戩切完補也一曰傍挈集韻作挈傍挈有扶意則攬扶之義當自此引伸惟讀作去聲與俗音稍不同元顧仲瑛次鐵崖天寶宮詞韻云韓虢並騎官廡馬醉攬丞相踏堤沙攬字讀平聲則攬扶之語其來已久王定保摭言崔沆判盧象詞有深攬席帽密映氈車之句攬字似亦攬扶之意

釋落

廣雅釋詁落居也王氏念孫疏證落亦聚也今人亦云聚落村落院落落之言聯絡也籬謂之落義亦相近也按書傳之稱落者爲亭落陸賈新語亭落若無民鹽鐵論散不足篇田野不闢而飾亭落邑落說文聚會也一聚落後漢書王扶傳取廬落後漢書仇覽日邑落日聚土聚落化其德里落後漢淳于恭傳里落化之區落後漢書竇憲案里落後漢淳于恭傳里落化之區落後漢書竇憲人人謂院爲落也魏志夏侯淵傳諸羌名部落種落部落後漢書種易傳岷山部落史記衛將軍驃騎傳過漢索隱崔浩云匈奴在遂單者各遷種落戎落沈約齊故安陸昭至舉落又由是領巢舉舊落宋書索虜傳論故老遺氓還號村落保落東南望德如歸夷傳而梅生等保落奉政事傳而氏雷定等七部萬餘落村落史記五帝紀年而所居萬餘落魏志成聚正義取謂村落也千餘落晉書陶侃傳論士虛落王維渭川四家沙陀千落行拔萃限落之間墟落詩斜光照墟落唐范希朝傳取落晉書陶侃傳論士虛落王維渭川四家庭落元稹詩朝餐布庭井落蘇軾詩井落夜宿還戶樞左思吳都賦剽掠虎豹之落落李善注廣雅日落居也皆可以居字釋之而居之何以

稱落則疏證落之言聯絡是其義也漢書李廣傳禹從落以劍斫絕纁注師古曰落與絡同謂當時繩絡之而下也纁索也莊子秋水篇落馬首穿牛鼻漢書溝洫志呂竹落長四丈大九圍盛以小石兩船夾載而下之此皆落絡古通之證而又有遮障之義漢書晁錯傳爲中周虎落注鄭氏曰虎落者外藩也師古曰虎落者以竹篾相連遮落之也揚雄羽獵賦爾迺虎路三嶮文選注路音落落纁也漢書揚雄傳注師古曰以繩周繞之也周禮夏官掌固用其材器鄭注民之材器其所用塹築及爲藩落賈疏此云民之材器明材是材木用爲楨榦以掘塹築作所用及不築處卽用材爲藩屏籬落以遮障也後漢書列女姜詩妻傳比落蒙其安全注比近也落藩也文選西京賦措枳落李善注杜預左氏傳注曰藩籬也落亦籬也此皆落爲藩籬

之義藩籬遮障之具也凡民之所居必有所遮障而後居可安尤必有所聯絡而後居可久藩落者遮障之具卽以取聯絡之勢此居之所以能聚也必兼二義而落之稱名始備吳志周泰傳意尙忽略不治圍落圍落蓋亦兼遮障聯絡之意孫權不治圍落致爲山賊所乘由於地無遮障而勢又不聯絡也

稿三終